

清史稿校註補—太宗本紀二

胡健國

摘要

本文以清太宗文皇帝實錄初纂本、重修本為主，參考滿文老檔、清初內國史院滿文檔案譯編、崇德三年滿文檔案選編等清方較原始資料，明清史料等明人記載，朝鮮王朝實錄等域外史料，國權、明史記事本末補遺等時人記錄，明末皇太極北擄中原人口考實等後人考證，校註本卷清史稿之疏漏、錯誤，漏者補之，錯者改之，暫難確定者，諸說並陳。

Supplementary Notes to the Historical Scripts of Qing Dynasty—Main Documents (2) of Tai Zong

Hu Jian-guo

Abstract

The paper is mainly based on the original and revised historical scripts on Emperor TaiZong of Qing Dynasty. I also refer to the ancient documents written in the Manchurian language, the Manchurian archive files located in the organizations in charge of national history, the Manchurian anthology edited in the 3rd year of Chongde and the historical data of Ming and Qing dynasties recorded by people in Ming Dynasty. Also included for reference are: foreign historical data like A Real Story of the Korean Dynasty, relevant texts made by contemporary authors and Emperor TaiJi's A Historical Demographics on the Main Land of China. I make supplementary notes to the historically original scripts, correct the mistakes available and list the controversial parts as they are.

清史稿校註補一太宗本紀二

胡健國*

崇德元年夏四月乙酉，祭告天地，行受尊號禮，定有天下之號曰大清，改元崇德，群臣上尊號曰寬溫仁聖皇帝，受朝賀。始定祀天太牢用熟薦。遣官以建太廟追尊列祖，祭告山陵。丙戌，追尊始祖為澤王，高祖為慶王，曾祖為昌王，祖為福王，考諡曰承天廣運聖德神功肇紀立極仁孝武皇帝，廟號太祖，陵曰福陵；妣諡曰孝慈昭憲純德貞順成天育聖武皇后。¹追贈族祖²禮敦巴圖魯為武功郡王，追封功臣費英東為直義公，額亦都為弘毅公³，配享。丁亥，群臣上表賀。諭曰：「朕以涼德，恐負眾望。爾諸臣宜同心匡輔，各共厥職，正己率屬，克殫忠誠，立綱陳紀，撫民恤眾，使君明臣良，政治咸熙，庶克荷天之休命。」群臣頓首曰：「聖諭及此，國家之福也。」以受尊號禮成，大赦。己丑，多濟里、扈習征瓦爾喀師還，賞賚有差。朝鮮使臣歸國。初，上受尊號，朝鮮使臣羅德憲、李廓獨不拜，上曰：「彼國王將構怨，欲朕殺其使臣以為詞耳，其釋之。」至是遣歸，以書諭朝鮮國王責之，命送子弟為質。丁酉，敘功，封大貝勒代善為和碩兄禮親王，貝勒濟爾哈朗為和碩鄭親王，多爾袞為和碩睿親王，多鐸為和碩豫親王，豪格為和碩肅親王，岳託為和碩成親王，阿濟格為多羅武英郡王，杜度為多羅安平貝勒，阿巴泰為多羅饒餘貝勒；諸蒙古貝勒巴達禮為和碩土謝圖親王，吳克善為和碩卓禮克圖親王，固倫額駙額哲為和碩親王，布塔齊為多羅札薩克圖郡王，滿朱習禮為多羅巴圖魯郡王，袞出斯巴圖魯為多羅達爾漢郡王，孫杜稜為多羅杜稜郡王，固倫額駙班第為多羅郡王，孔果爾為冰圖王，東為多羅達爾漢戴青，俄木布為多羅達爾漢卓禮克圖，古魯思轄布為多羅杜稜，單把為達爾漢，耿格爾為多羅貝勒，孔有德為恭順王，耿仲明為懷順

* 國史館纂修

¹ 孝慈昭憲純德貞順成天育聖武皇后圖海監修：《清太宗文皇帝實錄》（實錄歷經多次修改，此為康熙朝重修本，以下簡稱《清太宗實錄》（重））（臺北：華聯出版社，民國53年1月），「貞」字作「真」。

《清太宗文皇帝實錄》，初纂本（以下簡稱《清太宗實錄》（初））（臺北：國立故宮博物院藏）仍作「貞」。

² 族祖 《清太宗實錄》（初）作「伯祖」，《清太宗實錄》（重）同。

³ 弘毅公 《清太宗實錄》（初）作「大勇公」。

王，尚可喜為智順王。⁴辛丑，朝鮮使臣置我書於通遠堡，不以歸。⁵札福尼征瓦爾喀師還。

五月丙午，以希福為內弘文院大學士，范文程、鮑承先俱為內祕書院大學士，剛林為內國史院大學士。壬子，貝勒薩哈廉卒，輟朝三日。癸丑，始薦櫻桃於太廟。丁巳，設都察院，諭曰：「朕或奢侈無度，誤誅⁶功臣；或耽獵逸樂，不理政事；或棄忠任奸，黜陟未當；爾其直陳無隱。諸貝勒或廢職業，黷貨偷安，爾其指參。六部或斷事偏謬，審讞淹遲，爾其察奏。明國陋習，此衙門亦賄賂之府也，宜相防檢。挾讎劾人，例當加罪。餘所言是，即行；所言非，不問。」壬戌，追封薩哈廉為和碩穎親王。己巳，以張存仁為都察院承政，祖澤洪為吏部承政，韓大勳為戶部承政，姜新為禮部承政，祖澤潤為兵部承政，李雲為刑部承政，裴國珍為工部承政。都統⁷伊爾登罷，以圖爾格為鑲白旗都統。⁸庚午，武英郡王阿濟格、饒餘貝勒阿巴泰、公揚古利等率師征明，上御翔鳳閣，面授方略，且誠諭之。癸酉，師行。⁹

六月甲戌朔，授蒙古降人布爾噶都等世職有差。己卯，命豫親王多鐸管禮部事，肅親王

⁴ 中國第一歷史檔案館、中國社會科學院歷史研究所譯註：《滿文老檔》（北京：中華書局，1990年3月，一版），頁1446，孔有德等封王在4月27日辛丑；《清太宗實錄》（重）同。

⁵ 《朝鮮王朝實錄·仁祖實錄》（大韓民國肅蘭特別市：國史編纂委員會，1958年），卷32，頁22，4月26日庚子，「春信使羅德憲、回答使李廓馳啟，以為方在虜中，適值其僭號，被劫不屈，行到通遠堡，折見其書，辭意悖慢，不敢攜來，暗置於雜物中，而原本則謄寫以上。」《清太宗實錄》（重），28日壬寅，清守臣奏聞皇太極。據此，朝鮮使臣置書於清遠堡在4月27日辛丑之前。《清太宗實錄》（初）繫此事於4月15日己丑。

⁶ 誤誅 《清太宗實錄》（重）作「誤誣」。《清太宗實錄》（初）作「誤誅」。

⁷ 《清世祖實錄》，順治17年3月甲戌，諭兵部：「以後固山額真，滿字，仍稱固山額真，漢字，稱為都統；梅勒章京，滿字，仍稱梅勒章京，漢字，稱為副都統；甲喇章京，滿字，仍稱甲喇章京，漢字，稱為參領；牛叅章京，滿字，仍稱牛叅章京，漢字，稱為佐領；昂邦章京，滿字，仍稱昂邦章京，漢字，稱為總管。」在此之前，崇德一朝，無都統、副都統，參領、佐領等名號，漢字選用滿語譯音。《清太宗實錄》《重》所見，「都統」應作「固山額真」（gusa i ejen），「副都統」應作「梅勒章京」（meiren i janggin），「參領」應作「甲喇章京」（jalan i janggin），「佐領」應作「牛叅章京」（niru i janggin），「總兵官」應作「昂邦章京」，「副將」亦作「梅勒章京」，「參將」亦作「梅勒章京」，「佐領」當八旗建制時，亦作「牛叅」（ninu）。

⁸ 一檔館、中科院史研所譯註：《滿文老檔》，頁1484，伊爾登罷，以圖爾格為鑲白旗固山額真在5月29日壬申。《清太宗實錄》（初）仍繫於26日己巳。

⁹ 一檔館、中科院史研所譯註：《滿文老檔》，頁1485-1488，5月29日壬申，皇太極駕臨翔鳳閣，面授諸將方略，並誠諭之；30日癸酉，清軍師行。

豪格管戶部事。甲申，封薩哈廉子阿達禮為多羅郡王。丙戌，以國舅阿什達爾漢為都察院承政，尼堪為蒙古承政。¹⁰

秋七月己未，檄外藩蒙古兵征明。辛酉，阿濟格等會師出延慶州¹¹，俘人畜一萬五千有奇。

八月丁丑，遣官祭孔子。辛巳，成親王岳託、肅親王豪格以罪降多羅貝勒。癸未，睿親王多爾袞、豫親王多鐸、貝勒岳託、豪格舉師征明。¹²

九月戊申，明兵入鹼場，命吳善、李思哈¹³率兵禦之。己酉，阿濟格等奏，我軍經保定至安州，克十二城，五十六戰皆捷，¹⁴生擒總兵巢丕昌等人畜十八萬。¹⁵庚申，伊勒慎等追明兵至娘娘宮渡口，見敵船甚眾，不敢進，奏聞。命宜蓀¹⁶往援，復遣杜度率師助之。¹⁷辛酉，蒙古達賴、拜賀、拜音代等¹⁸自塔山來降。己巳，阿濟格等師還。

冬十月癸酉，多爾袞等師還。丁亥，遣大學士希福等往察哈爾、喀爾喀、科爾沁諸部稽戶口，編佐領，讞庶獄，頒法律，禁奸盜。戊戌，朝鮮國王李倧以書來，卻之。

十一月戊申，復命岳託管兵部事，豪格管戶部事。己酉，衛塞桑等自蒙古喀爾喀部

¹⁰ 蒙古承政 《清太宗實錄》（重）作「蒙古衙門承政」。案蒙古衙門改稱理藩院在崇德3年6月庚申，見本卷後文。

¹¹ 一檔館、中科院史研所譯註：《滿文老檔》，頁1542，清軍於「六月二十八日分道入邊，入邊之第八日會於延慶州」，第八日為7月6日戊申。此為軍報奏抵盛京日期。

¹² 一檔館、中科院史研所譯註：《滿文老檔》，頁1568、1569，此為命將之日，次日13日甲申，師行；《清太宗實錄》（初）、《清太宗實錄》（重）同。

¹³ 李思哈 一檔館、中科院史研所譯註：《滿文老檔》，頁1575，作「季思哈」；《清太宗實錄》（初）、《清太宗實錄》（重）同。此「李」字當作「季」。

¹⁴ 談遷：《國榷》（臺北：鼎文書局，民國67年7月，初版），卷95，是年6月28日辛丑，「建虜犯居庸關昌平北路，大同總兵王樸馳援，擊斬千一百四級，獲百四十三人。」8月5日丙子，「總兵王樸敗建虜於涿州，斬二百餘級。」8月12日癸未，「建虜自雄縣至鄭州口，總兵劉澤清擊卻之。」總體而言，明軍戰力遜於清軍，每戰皆北，亦不盡然，阿濟格之奏報，或有誇大。

¹⁵ 人畜十八萬 《清太宗實錄》（重）作「人口牲畜十七萬九千八百二十」。據《滿文老檔》，頁1586-1593，「出征諸王大臣報各軍俘獲數及受傷陣亡人數」資料統計，應為「人畜208538」，見謝景芳：〈明末皇太極北擄中原人口考實〉（北京：中國社會科學出版社，1995年8月），《中國史研究》，第3期（1995年），頁97-98。

¹⁶ 宜蓀 《清太宗實錄》（初）作「宜松」，《清太宗實錄》（重）作「伊孫」。

¹⁷ 《清太宗實錄》（重），命杜度率師往助在9月20日辛酉。

¹⁸ 一檔館、中科院史研所譯註：《滿文老檔》，頁1600，「是日（辛酉），達賴、敗虎、巴音岱三蒙古攜馬二十五匹，自大明國塔山城逃來。」僅三人歸清，此「等」字當去。

還，偕其使衛徵喇嘛等來貢。辛亥，徵兵外藩。癸丑，諭曰：「朕讀史，知金世宗真賢君也。當熙宗及完顏亮時，盡廢太祖、太宗舊制，盤樂無度。世宗即位，恐子孫效法漢人，諭以無忘祖法，練習騎射。後世一不遵守，以訖於亡。我國嫻騎射，以戰則克，以攻則取。往者巴克什達海等，屢勸朕易滿洲衣服以從漢制。朕惟寬衣博式，必廢騎射，當朕之身，豈有變更。恐後世子孫忘之，廢騎射而效漢人，滋足慮焉。爾等謹識之。」乙卯，太祖實錄成。乙丑，冬至，大祀天於圜丘。以將征朝鮮，告祭天地、太廟。己巳，頒軍令，傳檄朝鮮。

十二月辛未朔，外藩蒙古諸王貝勒率兵會於盛京。鄭親王濟爾哈朗留守，武英郡王阿濟格駐牛莊備邊，饒餘貝勒阿巴泰駐噶海城，收集邊民防敵。壬申，上率禮親王代善等征朝鮮，大軍次沙河堡，睿親王多爾袞、貝勒豪格分兵自寬甸入長山口。¹⁹癸酉，遣馬福塔等率兵三百為商賈裝，潛往圍朝鮮國都，多鐸及貝子碩託、尼堪以兵千人繼之，郡王滿朱習禮、布塔齊引兵來會。己卯。貝勒岳託、公揚古利以兵三千助多鐸軍。上率大軍距鎮江三十里為營，令安平貝勒杜度、恭順王孔有德等護輜重居後。庚辰，渡鎮江至義州。壬午，上至郭山城。其定州遊擊來援，度不敵，自刎死，郭山降。癸未，至定州，定州亦降。乙酉，至安州，以書諭朝鮮守臣勸降。²⁰己丑，多鐸等進圍朝鮮國都，朝鮮國王李倧遁南漢山城，多鐸等復圍之，並敗其諸道援兵。²¹辛卯，瓦爾喀葉辰、麻福塔居朝鮮，聞大軍至，以其眾來歸。丁酉，上至臨津江，會天暖冰泮，不可渡，忽驟雨，冰結，大軍畢渡。²²己亥，命都統譚泰等搜勦朝鮮國都，留蒙古兵與俱，上以大軍合圍南漢城。

是歲，土默特部古祿格楚虎爾、鄂爾多斯部額林臣濟農、台吉土巴等俱來朝。

¹⁹ 《清太宗實錄》（重），此為令多爾袞、豪格分兵前進之日。

²⁰ 《清太宗實錄》（初），書諭朝鮮安州守臣歸降在12月16日丙戌，《清太宗實錄》（重）同。

²¹ 《朝鮮王朝實錄·仁祖實錄》，卷33，朝鮮王走避南漢山城在12月14日甲申，石之行：《南漢日記》（臺北：珪庭出版社，民國68年12月，初版），丙子12月14日條同；《清太宗實錄》（重），12月14日甲申，清軍馬福塔至朝鮮王京，敗朝鮮援軍，聞李倧遁走，追至南漢山城，圍之，16日丙戌，多鐸續至，仍圍之，此為多鐸差人奏至皇太極軍前日期。《陽九記事》（臺北：珪庭初版社，民國69年9月，初版），卷1，頁59，「（正月）16日，賊兵大至，圍城外，始不通」；《朝鮮王朝實錄·仁祖實錄》，卷33，12月19日己丑，李倧蠟書諭臣下，中云：「賊兵圍逼南漢，今已六日。」綜合諸書記載，12月14日，清軍先鋒即至，勢在圍城，內外尚可通，及16日清軍主力至，始真正隔絕。

²² 《清太宗實錄》（重），清軍渡臨津江在12月24日甲午。

²³ 一檔館編：《清初內國史院滿文檔案譯編（上）》，頁231，岳託擊走朝鮮全羅道援兵在正月3日癸卯。然《清太宗實錄》（初），除遲繫此事於2日壬寅外，復於16日丙辰追記前事，直述此事發生於3日癸卯，

二年春正月壬寅，朝鮮全羅道總兵來援，岳託擊走之。²³遣英俄爾岱、馬福塔齎敕諭朝鮮閣臣，數其前後敗盟之罪。甲辰，大軍渡漢江，營於江湍。丁未，朝鮮全羅、忠清二道合兵來援，多爾袞、揚古利擊走之，揚古利被創卒。庚戌，多爾袞、豪格軍克長山，連戰皆捷，以兵來會，杜度等運礮車亦至。朝鮮勢益蹙，李倭以書數乞和，上許其出降，上書稱臣，²⁴逡巡不敢出。壬戌，多爾袞軍入江華島，得倭妻子，護至軍前。復諭倭曰：「來則室家可完，社稷可保，朕不食言，否則不能久待。」倭聞江華島陷，妻子被俘，²⁵南漢城旦夕且下，乃請降。²⁶庚午，朝鮮國王李倭率其子湜及群臣朝服出降於漢江東岸三田渡，獻明所給敕印。上慰諭賜坐，還其妻子及群臣家屬，仍厚賜之。命英俄爾岱、馬福塔送倭返其國都，留其子湜、湜為質。

二月壬申，班師。貝子碩託、恭順王孔有德等率朝鮮舟師取明皮島。朝鮮國王李倭表請減貢額，詔免丁丑、戊寅兩年貢物，自己卯秋季始，仍貢如額。甲戌，諭多爾袞等禁掠降民，違者該管官同罪。辛卯，上還盛京。癸巳，諭戶部平糶勸農。

三月甲辰，殺朝鮮臺諫官洪翼漢、校理尹集、修撰吳達濟，²⁷以敗盟故。丁未，武英郡王阿濟格率師助攻皮島。戊午，罷蓋州城工。

夏四月己卯，睿親王多爾袞以朝鮮質子李湜、李湜及朝鮮諸大臣子至盛京。辛巳，阿濟格師克皮島，斬明總兵沈世魁、金日觀。²⁸甲申，安平貝勒杜度率大軍後隊還。丁酉，命固山貝子尼堪、羅託、博洛等預議國政。增置每旗²⁹議政大臣三人，集群臣諭之曰：「向者議

顯有出入，《清太宗實錄》（重）同。

²⁴ 一檔館編：《清初內國史院滿文檔案譯編（上）》，頁235、236，皇太極許降、朝鮮王稱臣，皆在正月20日庚申；《清太宗實錄》（重）同。

²⁵ 《清太宗實錄》（重），皇太極書致李倭，告以無意食言，及已取江華島，在正月24日甲子。

²⁶ 《朝鮮王朝實錄·仁祖實錄》卷34，正月27日丁卯，朝鮮致書清營，中有「第惟臣方以三百年宗社，數千里生靈，仰托於陛下…」語，始願出城降清；《清太宗實錄》（重）同。

²⁷ 《朝鮮王朝實錄·仁祖實錄》，卷34，頁45，殺尹集、吳達濟在4月19日戊子；李湜：《濔館錄》（臺北：臺聯國風出版社，民國59年12月），卷1，頁4同。《清太宗實錄》（初）、《清太宗實錄》（重）皆繫於三月初五日甲辰。

²⁸ 《清太宗實錄》（重），清軍攻陷皮島在4月8日丁丑。《明史》，卷23，莊烈帝本紀一，繫於10日戊寅，且金日觀為「副總兵」，總兵係「沈世魁」，未死，走石城島；《崇禎實錄》卷10、《國榷》卷96同，谷應泰：《明史紀事本末補遺》卷4未標明月日，餘皆同。《朝鮮王朝實錄·仁祖實錄》，卷34，頁44，繫於14日癸未。《明史》，卷271，有「沈世魁」傳。《清太宗實錄》（初）作「沈世奎」。《明清史料》（甲編）所見皮島守將皆作「沈世魁」，明方官書如此，當以為是。

²⁹ 每旗 《清太宗實錄》（初）作「每固山」。

政大臣額少，或出師奉使，而朕左右無人，卑微之臣，又不可使參國議。今特擇爾等置之議政之列，當以民生休戚為念，慎毋怠惰，有負朝廷。前蒙古察哈爾林丹悖謬不道，其臣不諫，以至失國。朕有過失，爾諸臣即當面諍，使面從而退有後言，委過於上，非純臣也。」又諭曰：「昔金熙宗循漢俗，服漢衣冠，盡忘本國言語，太祖、太宗之業遂衰。夫弓矢我之長技，今不親騎射，惟由宴樂，則武備寢弛。朕每出獵，冀不忘騎射，勤練士卒。諸王貝勒務轉相告誡，使後世無變祖宗之制。」

閏四月癸卯，蒙古貢異獸，名齊赫特。壬子，武英郡王阿濟格師還。

五月庚午，朝鮮國王李倬遣使奉表謝恩贖俘獲。丁亥，遣朝鮮從征皮島總兵林慶業歸國，以敕獎朝鮮王。丁酉，章京尼堪等征瓦爾喀，降之。師行逕朝鮮咸鏡道，凡兩月始達，至是還。

六月辛丑，授喀喇沁歸附人阿玉石等官。明千總王國亮、³⁰都司胡應登、百總李忠國等自海島來降。³¹莽古爾泰子光袞獲罪，伏誅。³²乙卯，諭曰：「頃朝鮮之役，兵行無紀，見利即前，竟忘國憲。自今宜思所以宣布法紀，修明典制者。」³³丙辰，以臣朝鮮，克皮島，祭告太廟、福陵。丁巳，朝鮮國王李倬請平值贖俘，不許。甲子，論諸將征朝鮮及皮島違律罪，禮親王代善論革爵，宥之；鄭親王濟爾哈朗以下論罰有差。

秋七月己巳，遣喀凱等分道征瓦爾喀。癸酉，戶部參政恩克有罪，伏誅。³⁴辛巳，誡諭漢官以空言欺飾者。智順王尚可喜自皮島師還。壬午，大赦。癸未，優恤朝鮮、皮島陣亡將士揚古利等，贈官襲職有差。乙酉，明都司高繼功等自石城島來降。庚寅，追封皇后父科爾沁貝勒莽古思為和碩福親王。壬辰，以朝鮮及皮島之捷宣諭祖大壽。乙未，分漢軍³⁵為兩旗，以總兵官³⁶石廷柱、馬光遠為都統，分理左右翼。

八月丙申朔，再恤攻皮島、朝鮮陣亡將士洪文魁等，贈官襲職有差。癸丑，貝勒岳託以罪降貝子，罰金，解兵部任。丙辰，命睿親王多爾袞、饒餘貝勒阿巴泰築都爾鼻城。己未，遣阿什達爾漢等往蒙古巴林、札魯特、喀喇沁、土默特、阿魯³⁷諸部會理刑獄。

³⁰ 王國亮 《清太宗實錄》《初》作「王國梁」。

³¹ 《清太宗實錄》《初》，6月5日壬寅，胡應登降清，10日丁未，李忠國降清；《清太宗實錄》《重》同。

³² 《清太宗實錄》《初》，6月6日癸卯，議罪，光袞擬死，《清太宗實錄》《重》同。

³³ 《清太宗實錄》《重》，此諭頒於6月16日甲寅；《清太宗實錄》《初》，仍繫於17日乙卯。

³⁴ 伏誅 《清太宗實錄》《重》作「論死」。

³⁵ 漢軍 《清太宗實錄》《初》作「烏真超哈」。「旗」當作「固山」，以下同。

³⁶ 總兵官 《清太宗實錄》《初》作「昂邦章京」，《清太宗實錄》《重》同。

³⁷ 阿魯 《清太宗實錄》《初》作「阿祿」，《清太宗實錄》《重》同。

九月辛未，出獵撫安堡，³⁸以書招明石城島守將沈志祥。己丑，兵部參政穆爾泰以罪褫職。己丑，³⁹貝勒豪格以逼勒蒙古台吉博洛罪，罰金，罷管部務。

冬十月乙未朔，初頒滿洲、蒙古、漢字歷。⁴⁰丙午，厄魯特顧實車臣綽爾濟遣使來貢，厄魯特道遠，以元年遣使，是年冬始至。庚申，遣英俄爾岱、馬福塔、達雲齋敕冊封李倭為朝鮮國王。

十一月庚午，祀天於圜丘。朝鮮國王李倭遣使來貢，復表請歸其世子，並陳國中災變困窮狀，上不許，敕諭賜賚之。⁴¹丁丑，烏朱穆秦濟農聞上善養民，率貝勒等舉國來附。癸未，追封揚古利為武勳王。⁴²庚寅，出獵打草灘。⁴³

十二月甲辰，葉克書、星訥率師征卦爾察。癸丑，征瓦爾喀諸將奏捷。戊午，蒿齊忒部貝勒博羅特、托尼洛率屬來歸。阿濟格遣丹岱等敗明兵於清河。⁴⁴

是歲，虎爾哈部托科羅氏、克益克勒氏、耨野勒氏，黑龍江索倫部博穆博果齊，⁴⁵黑龍江巴爾達齊，精格里河扈育布祿俱來朝。

三年春正月辛未，命貝子岳託仍為多羅貝勒，管領旗務。丁亥，以德穆圖為戶部承政。甲午，皇第九子生，是為世祖章皇帝。

二月丁酉，親征喀爾喀，豫親王多鐸、武英郡王阿濟格從，禮親王代善、鄭親王濟爾哈朗、睿親王多爾袞、安平貝勒杜度留守。丁未，次喀爾占，外藩諸王、貝勒等以師來會。喀爾喀聞之，遁去。⁴⁶上行獵達爾那洛湖西，駐蹕。⁴⁷乙卯，次奎屯布喇克。庚申，明東江總兵沈志祥率石城島將佐軍民來降。⁴⁸壬戌，遣勞薩以書告明宣府守臣趣互市，且以歲幣歸我。

³⁸ 撫安堡 《清太宗實錄》（初）、《清太宗實錄》（重）清國史館黃綾本太宗本紀皆作「撫安堡」。

³⁹ 己丑 案史例，干支不重書，此「己丑」當刪。

⁴⁰ 初頒滿洲、蒙古、漢字歷 《清太宗實錄》（重）作「頒滿洲、蒙古、漢文曆」，「歷」當作「曆」，此處書「歷」、「曆」，係避清高宗御名諱。

⁴¹ 《清太宗實錄》（重），不許朝鮮世子歸國在11月17日辛巳。

⁴² 武勳王 《清太宗實錄》（初）作「功勇王」。

⁴³ 打草灘 《清太宗實錄》（初）作「石拉塔喇」。

⁴⁴ 《清太宗實錄》（重），丹岱等敗明兵於清河在12月27日辛酉。

⁴⁵ 博穆博果齊 《清太宗實錄》（重）作「博穆博果爾」，此「齊」字當作「爾」。

⁴⁶ 《清太宗實錄》（初），喀爾喀聞訊走避在正月30日甲午，《清太宗實錄》（重）同。

⁴⁷ 李永海、劉景憲譯：《崇德三年滿文檔案譯編》（瀋陽：遼寧書社，1988年），頁48，皇太極行獵至達爾那洛湖西駐蹕在2月19日癸丑；《清太宗實錄》（初）、《清太宗實錄》（重）同。

⁴⁸ 「沈志祥奏為率所屬兵丁由黃古島登岸降清事本」，見《清崇德三年漢文檔案選編》，《歷史檔案》，

三月甲子朔，次博碩堆，命留守諸王築遼陽城。甲戌，次義奚里。庚辰，至登努蘇特而還。壬午，次上都河源，河西平地湧泉高五尺。

夏四月甲午朔，次布克圖里，葉克書等征黑龍江告捷。乙未，至遼河。丁酉，次杜稜城，明山海關太監高起潛遣人詭議和。戊戌，次札哈納里忒。己亥，次察木哈。庚子，次俄岳博洛。都爾鼻城工竣，改名屏城。⁴⁹辛丑，杜爾伯特部卦爾察札馬奈等來朝貢。壬寅，至遼陽，閱新城。乙巳，上還盛京。葉克書、星訥征黑龍江師還。⁵⁰癸丑，命明降將沈志祥以其眾居撫順。甲寅，尼噶里等征虎爾哈師還。

五月癸酉，修盛京至遼河道路，以睿親王多爾袞、饒餘貝勒阿巴泰董其役。乙亥，禮親王代善屬下人覺善有罪，鄭親王濟爾哈朗等請誅之，議削代善爵。以細故不許，並貸覺善。

六月庚申，始設理藩院，專治蒙古諸部事。

秋七月壬戌朔，諭諸王大臣曰：「自古建國，皆立制度，辨等威。今親王、郡王、貝勒、貝子、公主、額駙名號等級，均有定制，乃皆不遵行，違棄成憲，誠何心耶？昔金太祖、太宗兄弟一心，克成大統。朕當創業之時，爾等顧不能同心體國，恪守典常乎？」諸王皆引罪。丁卯，喀爾喀使臣達爾漢囊蘇喇嘛歸，諭之曰：「朕以兵討不庭，以德撫有眾。天以蒙古諸部與朕，爾喀爾喀乃興兵犯歸化，甚非分也。爾不獲已，有逃竄偷生耳。爾所能至，我軍豈不能至？其速悔罪來歸，否則不爾宥也。」壬申，達雅齊等往明張家口議歲幣及互市。丁丑，諭禮部曰：「凡有不遵定制，變亂法紀者，王、貝勒、貝子議罰，官繫三日，民枷責乃釋之。出入坐起違式，及官階名號已定，而仍稱舊名者，戒飭之。有效他國衣冠，束髮裹足者，治重罪。」又諭大學士希福等曰：「朕不尚虛文，惟務實政。今國家殷富，政在養民，凡新舊人內窮困無妻孥馬匹者，或勇敢可充伍，以貧不能披甲者，許各陳訴，驗實給與。」

1982年第2期（北京：歷史檔案雜誌社，1982年5月），頁21，沈志祥率屬於崇德3年2月21日由石城島啟行，登黃古島岸上屯扎，次日備文，26日奏至，26日干支庚申，即《清太宗實錄》（重）所載宴請來使於盛京之日。又《崇德三年滿文檔案譯編》，頁56，2月20日甲寅，「大明駐守東江總兵沈志祥率石城島官兵眾人反叛，遣官吳潮佐、金光裕二人前來，以禮遣戶部承政……攜牛羊赴鞍山城設宴，殺羊二十隻，賜食之。」據此，沈志祥2月20日甲寅，已向鄰近清軍露降意。又《清太宗實錄》（初），26日，沈志祥先遣吳朝佐、金光裕來報，設宴賜之，27日，皇太極差禮部參政哈什談齋禮往接。

⁴⁹ 《清太宗實錄》（重），是日，「命每三丁出夫一名，竣都爾鼻城工。」為派丁修城，非是日城工已竣。

⁵⁰ 季永海、劉景憲譯：《崇德三年滿文檔案譯編》，頁83，葉克書等師還在4月7日庚子。「初七日」後註：「原文如此。」似因此段列於12日記事之後，有違常理，不無可疑。然一檔館編：《清初內國史院滿文檔案譯編（上）》，頁296，此事緊接六日記事之後，大可不必存疑。

」禁以陣獲良家子女鬻為樂戶者。丙戌，更定部院官制，專設滿洲承政，以阿拜為吏部承政，英俄爾岱為戶部承政，滿達爾漢為禮部承政，宜蓀⁵¹為兵部承政，郎球為刑部承政，薩木什喀為工部承政，貝子博洛為理藩院承政，阿什達爾漢為都察院承政。命布顏為議政大臣。⁵²

八月甲午，禮部承政祝世昌以罪褫職，謫戍邊外。丙申，吳拜、沙爾虎達連擊敗明兵於紅山口、羅文峪，又敗其密雲兵，殲之。丁酉，地震。戊申，授中式舉人羅碩等十名佐領品級，⁵³免四丁，一等至三等秀才授護軍校品級，⁵⁴免二丁，各賜朝衣、綢布有差，未入部者免一丁。庚戌，阿魯阿霸垓部額齊格諾顏等、蒿齊忒部博洛特諾木齊等並來朝貢。癸丑，以睿親王多爾袞為奉命大將軍，統左翼兵，貝勒豪格、阿巴泰副之；貝勒岳託為揚武大將軍，統右翼兵，貝勒杜度副之，分道伐明。諭之曰：「主帥為眾所瞻，自處以禮，而濟之以和，則蒙古、朝鮮、漢人之來附者，自心悅而誠服。若計一己之功，而不恤國之名譽，非所望焉。」⁵⁵丁巳，岳託、杜度師行。己未，以巴圖魯準塔為蒙古都統。

九月癸亥，多爾袞、豪格、阿巴泰師行。壬申，上親向山海關以撓明師。徵孔有德、耿仲明、尚可喜兵。⁵⁶丁丑，定優免人丁例。丁亥，幸演武場，閱兵較射。

冬十月丁酉，岳託師自牆子嶺入，遇明兵，明總兵官吳國俊敗走。⁵⁷戊戌，多爾袞軍入青山關。⁵⁸己亥，上統大軍發盛京。甲辰，次渾河⁵⁹，科爾沁、喀喇沁各率兵來會。丙午，遣沙爾虎達等率師趣義州。⁶⁰己酉，命濟爾哈朗、多鐸各率師分趣前屯衛、寧遠、錦州，上

⁵¹ 伊蓀 《清太宗實錄》（初）作「宜松」，《清太宗時錄》（重）作「伊孫」。

⁵² 《清太宗實錄》（重），以布顏為議政大臣在7月27日戊子。

⁵³ 佐領品級 一檔館編：《清初內國史院滿文檔案譯編（上）》，頁358，作「半個牛衆章京品級」；《清太宗實錄》（重）同。

⁵⁴ 護軍校品級 一檔館編：《清初內國史院滿文檔案譯編（上）》，頁358，作「專達品級」；季永海、劉景憲譯：《崇德三年滿文檔案譯編》，頁189，作「壯大」《清太宗實錄》（初）同。皆滿文「juwan i da」之漢字譯音。意即什長，天聰八年，定旗長為專達。此時尚無「護軍校」漢文之名。

⁵⁵ 《清太宗實錄》（初），此諭頒於22日壬子。

⁵⁶ 《清太宗實錄》（初），皇太極欲行親征，並徵孔有德等三王兵在12日辛未。

⁵⁷ 季永海、劉景憲譯：《崇德三年滿文檔案譯編》，頁220，清軍入牆子嶺，敗明兵，在9月22日辛巳；《清太宗實錄》（重）、《國榷》卷96同。

⁵⁸ 季永海、劉景憲譯：《崇德三年滿文檔案譯編》，頁223、224，多爾袞軍入青山關在9月28日丁亥；一檔館編：《清初內國史院滿文檔案譯編（上）》頁377、《清太宗實錄》（重）、《國榷》卷96同。

⁵⁹ 渾河 《清太宗實錄》（初）作「虎狼河」。

親向義州。辛亥，索海率師圍大凌河兩岸十四⁶¹屯堡。壬子，上次義州，遣孔有德、耿仲明、尚可喜、石廷柱、馬光遠以礮克其五臺。⁶²乙卯，次錦州。⁶³丙辰，多鐸克桑噶爾寨堡，殺其守將。孔有德等攻石家堡、戚家堡，並克之。⁶⁴戊午，孔有德等攻錦州西臺，⁶⁵臺中礮藥自發，臺壞，克之。

十一月己未朔，多鐸將與濟爾哈朗合師徑中後所，會祖大壽往援北京，乘夜襲我師。庚申，多鐸、濟爾哈朗還至中後所，大壽懼，不敢出。石廷柱、馬光遠攻李雲屯、柏士屯、郭家堡、開州、井家堡，俱克之。孔有德招降大福堡，又攻大臺，克之。⁶⁶辛酉，大軍入山海關。壬戌，上次連山。癸亥，攻五里河臺，明守備李計友等率眾降。丁卯，上至中後所，遇祖大壽收兵入城，使告之曰：「別將軍數載，甚思一見。至於去留，終不相強。將軍與我角勝，為將之道應爾。朕不以此介意，亦願將軍勿疑。」戊辰，再遣使諭大壽，皆不答。己巳，濟爾哈朗克摸龍關及五里堡屯堡。⁶⁷庚午，班師。庚辰，次圖爾根河，遣蒙古軍各歸其部。丙戌，上還京。丁亥，地震。

十二月戊戌，刑部承政郎球有罪解任，以都察院參政⁶⁸索海代之。

是歲，土默特部古祿格，杜爾伯特部卦爾察札馬奈，席北部阿拜、阿閔、兀札喇部井璫、馬考、札奈、桑吉察，鄂爾多斯部額林臣濟農，阿魯阿霸垓部額齊格諾顏，蒿齊忒部博洛

⁶⁰ 季永海、劉景憲譯：《崇德三年滿文檔案譯編》，頁229，遣沙爾虎達等率師趣義州在10月16日乙巳；一檔館編：《清初內國史院滿文檔案譯編（上）》，頁380，繫於次日丙午，《清太宗實錄》（重）同。

⁶¹ 十四 《清太宗實錄》（初）作「四」。

⁶² 季永海、劉景憲譯：《崇德三年滿文檔案譯編》頁231、一檔館編：《清初內國史院滿文檔案譯編（上）》頁382、《清太宗實錄》（重），清軍克明五臺在10月24日癸丑；一檔館編：《清初內國史院滿文檔案譯編（上）》於清軍將領僅列馬光遠、石廷柱。

⁶³ 季永海、劉景憲譯：《崇德三年滿文檔案譯編》，頁231，皇太極至錦州在10月25日甲寅；一檔館編：《清初內國史院滿文檔案譯編（上）》，頁382同。

⁶⁴ 季永海、劉景憲譯：《崇德三年滿文檔案譯編》，頁234，孔有德等取石家堡、戚家堡在10月28日丁巳；一檔館編：《清初內國史院滿文檔案譯編（上）》頁383、《清太宗實錄》（重）同。

⁶⁵ 西臺 季永海、劉景憲譯：《崇德三年滿文檔案譯編》，頁234，作「南臺」；一檔館編：《清初內國史院滿文檔案譯編（上）》頁383同；《清太宗實錄》（重）作「錦州以南之臺」。

⁶⁶ 季永海、劉景憲譯：《崇德三年滿文檔案譯編》，頁236、237，石廷柱、馬光遠取李雲屯等地，孔有德攻下「大福堡屬大台臺一座」，皆在11月己未朔；一檔館編：《清初內國史院滿文檔案譯編（上）》頁384、《清太宗實錄》（初）同。

⁶⁷ 《清太宗實錄》（初），此為濟爾哈朗軍報奏抵日期，《清太宗實錄》（重）同。

⁶⁸ 參政 《清太宗實錄》（初）作「承政」。

特諾顏齊，黑龍江博穆博果可、⁶⁹瓦代噶凌河⁷⁰均來朝貢。

四年春正月乙丑，貝子碩託以罪降輔國公。⁷¹甲戌，皇第三女固倫公主下嫁科爾沁額駙祁他特。己卯，封沈志祥為續順公。蒙古喇克等自錦州來歸。丁亥，蘇尼特部台吉噶布褚等率部人來歸。是月，明以洪承疇總督薊、遼。

二月丁酉，命武英郡王阿濟格率師征明。壬寅，上親統大軍繼之。丙午，次翁啟爾渾。阿濟格遣使奏捷。蒙古奈曼等部率十三旗兵來會。庚戌，營松山，孔有德、耿仲明、尚可喜、石廷柱、馬光遠以礮擊城外諸臺，克之。遣塔布囊布顏率師防烏欣河口。⁷²壬子，上登松山南岡，授諸將方略。⁷³癸丑，列礮攻城，雉堞悉毀，明副將金國鳳拒守不下，上命豎雲梯急攻之。代善請俟明日，上從之，明人復完城堞，我軍不得入。乙卯，命阿濟格、尼堪、羅托等師圍塔山、連山。

三月戊午朔，明軍援杏山，我兵邀擊之，斬五十人。⁷⁴己未，穿地道攻松山城。乙丑，命納海等馳略杏山，石廷柱、馬光遠攻觀民山臺，降之。丙寅，多爾袞、杜度等疏報自北京至山西界，復至山東，攻濟南府，破之，蹂躪數千里，明兵望風披靡，克府一、州三、縣五十七，總督宣、大盧象昇戰死，擒德王朱由棖、⁷⁵郡王朱慈亘、奉國將軍朱慈黨、總督太監⁷⁶馮允昇等，俘獲人口五十餘萬，⁷⁷他物稱是。是役也，揚武大將軍貝勒岳託、輔國公瑪瞻卒於軍，上聞震悼，輟飲食三日。⁷⁸乙亥，多爾袞、杜度又報自遷安縣出青山關，遇明兵，二十四戰皆勝。己卯，復攻松山城，明太監高起潛、總兵祖大壽自寧遠遣副將祖克勇、徐昌永等率兵趨錦州，阿爾薩蘭等擊敗之。⁷⁹上聞，馳赴錦州督師，斬徐昌永於陣，擒祖克勇。甲申，解松山圍。乙酉，駐錦州。多爾袞等師還盛京。

⁶⁹ 博穆博果可 《清太宗實錄》（重）作「博穆博果爾」。

⁷⁰ 噶凌河 《清太宗實錄》（重）作「噶凌阿」，此「河」字當作「阿」。

⁷¹ 《清太宗實錄》（重），貝子碩託以罪降輔國公在正月9日丁卯。

⁷² 烏欣河口 《清太宗實錄》（初）作「大凌河」。

⁷³ 《清太宗實錄》（初），皇太極至松山南岡，授諸將方略在23日辛亥。⁷⁴ 《清太宗實錄》（初），清軍殺明兵五十人在正月30日戊午。

⁷⁵ 由棖 《明史》，卷24，莊烈帝本紀二，作「由樞」；《國榷》卷97同。

⁷⁶ 總督太監 《清太宗實錄》（重）作「總理太監」。

⁷⁷ 俘獲人口五十餘萬 《清太宗實錄》（初），左翼疏報俘獲人口二十五萬七千八百八十，右翼疏報俘獲人口二十萬四百二十有三，合計四十六萬餘；《清太宗實錄》（重）同。

⁷⁸ 三日 《清太宗實錄》（初）作「三四日」。

⁷⁹ 《清太宗實錄》（重），高起潛等遣祖克勇等率師援錦州在3月20日丁丑，阿爾薩蘭敗明兵在23日庚辰。

夏四月戊子朔，阿濟格略連山。壬辰，會於錦州。癸巳，渡大凌河駐蹕。己亥，杜度等師還。辛丑，上還盛京，哭岳託而後入，輟朝三日。戊申，以阿賴庫魯克達爾漢、⁸⁰馬喇希為蒙古都統。甲寅，以索渾、薩璧翰為議政大臣。丙辰，追封多羅貝勒岳託為多羅克勤郡王。

五月戊午，以貝子篇古有罪，削爵。己未，鄭親王濟爾哈朗率兵略錦州、松山、杏山。辛酉，蘇尼特台吉莽古斯、俄爾寨率眾來歸。丁卯，席特庫、沙爾虎達等敗明兵於錦州。⁸¹辛未，濟爾哈朗奏入明邊，九戰皆捷。丙子，濟爾哈朗師還。庚辰，以鎮國公艾度禮為都統。辛巳，召豫親王多鐸數其罪，宥之，惟坐其征明失利，及不親送睿親王出師，降多羅貝勒。

六月戊子，蒙古阿蘭柴、桑噶爾寨等告岳託生前與其妻父瑣諾木謀不軌，代善、濟爾哈朗、多爾袞皆請窮治。上以岳託已死，不問，並貸瑣諾木勿治。庚寅，遣馬福塔、巴哈納冊封朝鮮國王李倧妻趙氏為朝鮮王妃，其長子湜為世子。丙申，分漢軍為四旗，以石廷柱、馬光遠、王世選、巴顏為都統，改纛色。辛亥，焚哈達、葉赫、烏喇、輝發前所受明敕書於篤恭殿。壬子，以伊爾登、噶爾馬為議政大臣，星訥兼議政大臣。

秋七月丁巳，遣官賚書與明帝議和，並令朱由棖等各具疏進，許其議成釋還。辛未，朝鮮國王李倧克熊島，執加哈禪來獻。乙亥，諭滿、漢、蒙古有能衝鋒陷陣，先登拔城者，以馬給之。

八月己丑，授宗室固山貝子、鎮國公、輔國公、鎮國將軍、奉國將軍等爵有差。甲午，命貝勒豪格管戶部事，杜度管禮部事，多鐸管兵部事，薩爾紉等率兵征庫爾喀部。乙巳，歸化城土默特諸章京以所得明歲幣來獻。

九月乙卯朔，以孫達理等八十三人從睿親王入關有功，各授官有差，賜號巴圖魯。乙丑，都統杜雷有罪，褫職。己巳，復封貝勒豪格為和碩肅親王。癸酉，阿濟格、阿巴泰、杜度率兵略錦州、寧遠。甲戌，封岳託子羅洛宏為多羅貝勒。丙子，以宗室賴慕布、杜沙為議政大臣，英俄爾岱為都統，馬福塔為戶部承政。

冬十月丙戌，豪格、多鐸率兵復略錦州、寧遠。庚寅，蘇尼特部墨爾根台吉騰機思等率諸貝勒、阿霸垓部額齊格諾顏等各率部眾，自喀爾喀來歸。辛卯，出獵哈達。⁸²癸丑，以劉之源為都統，喀濟海為議政大臣。

十一月甲寅朔，豪格疏報參領阿藍泰率蒙古人來歸，遇明兵於寧遠北岡，擊敗之，斬明

⁸⁰ 阿賴庫魯克達爾漢 《清太宗實錄》（重）作「庫魯克達爾漢阿賴」。

⁸¹ 《清太宗實錄》（重），此為沙爾虎達等師還，命以所俘賜將士之日。

⁸² 出獵哈達 《清太宗實錄》（初）作「向山巔畋獵」。

總兵金國鳳。辛酉，遣索海、薩木什喀等征索倫部。丁卯，出獵葉赫。

十二月甲午，上還京。

是歲，龍江額納布、墨音、額爾盆等，喀爾喀部土謝圖、俄木部額爾德尼等，喀爾喀、蘇尼特、烏朱穆秦、科爾沁、克西克騰、土默特諸部，遣使俱來朝貢。

五年春正月甲子，命朝鮮質子李滢歸省父疾，仍令遣別子及滢子來質。遣翁阿岱、多濟里等戍錦州。

閏正月癸未朔，令各旗都統分巡所屬屯堡，察窮民，理冤獄。

一月丙辰，遣多濟里以寧古塔兵三百⁸³往征兀札喇部。丁巳，戶部承政馬福塔卒，以車格爾代之，覺羅⁸⁴錫翰為工部承政。⁸⁵丙寅，朝鮮國王第三子滄來質。

三月丙戌，遣勞薩、吳拜等略廣寧。⁸⁶己丑，勞薩、吳拜以逗遛議罰有差。薩穆什喀等征虎爾哈部，克雅克薩城。⁸⁷己亥，命濟爾哈朗、多鐸築義州城，駐兵屯田，進逼山海關。辛丑，戶部參政碩詹徵朝鮮水師糧米赴大凌、小凌二河。乙巳，索海、薩木什喀征索倫部奏捷。

夏四月壬子朔，罷元旦、萬壽諸王、貝勒獻物。乙亥，索海、薩木什喀征索倫師還，上宴勞於實勝寺。庚辰，上視師義州。⁸⁸

五月癸未，渡遼河。乙酉，碩詹以朝鮮水師至。癸巳，上至義州。丁酉，蒙古多羅特部人蘇班代等自杏山遣人約降，上命濟爾哈朗等率軍迎之，戒曰：「此行勿領多人，敵見我兵少，必來拒戰。我分兵為三，以前隊拒戰，後二隊為援。」至杏山，祖大壽果遣劉周智、⁸⁹吳三桂列陣逼我，濟爾哈朗等偽卻，縱兵反擊，大敗之。⁹⁰戊戌，命勞薩、吳拜等略海邊。

⁸³ 三百 《清太宗實錄》（初）作「或三百，或四百」。

⁸⁴ 覺羅 《清太宗實錄》（初）作「宗室」。

⁸⁵ 工部承政 《清太宗實錄》（初）作「工部參政」，《清太宗實錄》（重）同。

⁸⁶ 《清太宗實錄》（重），是日未見吳拜受命領軍。

⁸⁷ 《清太宗實錄》（重），此為薩穆什喀等軍報奏抵日期。

⁸⁸ 《清太宗實錄》（重），此為皇太極啟程赴義州之日。

⁸⁹ 劉周智 《明史》，卷272有劉肇基傳。李治亭：《吳三桂大傳》（長春：吉林文史出版社，1990年9月），頁37，引第一歷史檔案館藏：《明檔》第16號卷第4號，「劉周智」實為「劉肇基」之誤。《明清史料》各編涉及明清此時之遼東戰報，總兵有「劉肇基」其人，「劉周智」未曾見。

⁹⁰ 此役勝負，明清記載互異。明方參與者之當時戰報，於此有不同陳述。《歷史檔案》1985年2期，頁10-12，崇禎13年5月26日〈兵部為遼東總兵祖大壽塘報清軍分突逼錦事題行稿〉、崇禎13年5月27日〈兵部

⁹¹索倫部三百三十七戶續來降。壬寅，上率師攻克五里臺。乙巳，以紅衣礮攻錦州。丁未，刈其禾而還。庚戌，駕還京。

六月乙丑，多爾袞、豪格、杜度、阿巴泰、濟爾哈朗等屯田義州。⁹²戊辰，朝鮮世子李滉至。先是，朝鮮遣總兵官林慶業等載米同我使洪尼喀等自大凌河運三山島，遇風，覆沒者半，與明兵戰又失利，乃命陸輓至蓋州、耀州，留其兵千五百人於海州。癸酉，多濟里、喀柱征兀札喇部師還。遣朝鮮王次子李湔歸省。

秋七月庚辰朔，敘征索倫功，索海等賞賚進秩有差。癸未，定征索倫違律罪，薩木什喀等黜罰有差。乙酉，多爾袞等奏克錦州十一臺，請分兵為兩翼屯駐。癸巳，明總督洪承疇以兵四萬壁杏山，遣騎挑戰，多爾袞等擊敗明兵於錦州，杜度又敗之寧遠。⁹³

八月己未，遣希福等至張家口互市。乙亥，多爾袞奏敗兵於錦州，又敗之大凌河。

九月乙酉，上還宮。丙戌，命濟爾哈朗、阿濟格、阿達禮、多鐸、羅洛宏代圍錦州、松山。辛卯，多爾袞奏敗明兵於松山。癸卯，重修鳳凰城。

冬十月壬戌，遣英俄爾岱等往朝鮮責罪。壬申，萬壽節，大赦。

十一月戊寅朔，詔免朝鮮歲貢米十之九。乙酉，濟爾哈朗奏，敗明兵於塔山、杏山及錦州城下。癸巳。阿敏卒於幽所。戊戌，朝鮮國王次子李湔來質。

十二月庚戌，命多爾袞、豪格、杜度、阿巴泰代圍錦州。⁹⁴己未，遣朝鮮國王三子李滉歸。席特庫、濟席哈征索倫部，擒博穆博果爾，俘九百餘人。⁹⁵壬申，英俄爾岱等至自朝鮮

為遼東總兵吳三桂塘報明清兩軍松杏大戰事題行稿〉，「據……祖大樂塘報……自辰至午尋持三時，虜眾奮衝屢不能前，我兵乘勢大呼一擁直下，虜不能當，踉蹌飛馳北奔。追殺至陳家二屯，相離國王碑虜營不遠，後見灰塵大起，不便窮追。……」「各官迎頭赴敵直搗中堅……賊即敗退，我兵乘勝愈戰。…將戴金盔首被周祐等攢射墜馬，賊甚披靡……踉蹌奔赴五道嶺，後遁歸老營去訖。官兵…收兵回松。是役也…追逐三十餘里，奮勇爭先，無一敢後，致奴折北旋遁，此二十年僅見之戰。」談遷：《國權》，卷97，「失亡千人，所殺亦相當。」《明清史料》（臺北：中央研究院歷史語言研究所，民國61年，再版），乙編，第3本，頁260，方一藻題本引兵部咨文，有「飛報官兵血戰，大獲全勝事。」

⁹¹《清太宗實錄》（初），命勞薩、吳拜出兵在17日丁酉。

⁹²《清太宗實錄》（初），此日係令多爾袞等率屬往代濟爾哈朗，《清太宗實錄》（重）同。

⁹³《清太宗實錄》（初），7月8日丁亥，清將羅託敗明軍於錦州，此為多爾袞軍報奏抵日期。30日己酉，杜度敗明兵於寧遠之軍報奏抵安山溫泉，《清太宗實錄》（重）同。《明清史料》，甲編，第1本，頁24，〈薊遼總督洪承疇題本〉，「七月十四日據團練總兵吳三桂塘報，賊初八日夜被我襲擊，旋即移營。」清兵被迫「移營」一事，《清太宗實錄》（重）不載，此役勝敗，雙方說辭互異。

⁹⁴《清太宗實錄》（初），命多爾袞等代圍錦州在12月3日己酉。

⁹⁵《清太宗實錄》（重），此為皇太極聞奏日期。

，械繫其尚書金聲黑尼⁹⁶等四人以歸。

是歲，喀爾喀部查薩克圖遣使來朝貢。

六年春正月庚辰，朝鮮國李倭上表謝罪。壬辰，席特庫、濟席哈等師還。癸巳，晉席特庫為三等總兵官。⁹⁷甲午，皇四女固倫公主雅圖下嫁科爾沁卓禮克圖親王吳克善子弼爾塔噶爾額駙。⁹⁸丁酉，二等副將勞薩有罪，革碩翁科羅巴圖魯號，降一等參將。

一月己未，以八旗佐領下人多貧乏，令戶部察明奏聞。諭佐領毋沈湎失職；其有因飲酒失業者四十八人，並解任。諭諸王大臣教子弟習射。丙寅，多爾袞等奏敗明兵。

三月己卯，濟爾哈朗等代圍錦州。丁酉，降和碩睿親王多爾袞、肅親王豪格為多羅郡王，多羅貝勒阿巴泰、杜度以下罰銀有差。是時，祖大壽為明守錦州，屢招之不應。上令諸王迭出困之，而多爾袞等駐營錦州三十里外，又時遣軍士還家，故有是命。己亥，遣朝鮮總兵柳琳等，率兵助濟爾哈朗軍。壬寅，濟爾哈朗奏克錦州外城。初，我軍環錦州而營，深溝高壘，絕明兵出入，城中大懼。蒙古貝勒諾木齊、⁹⁹台吉吳巴什等請降，且約獻東關為內應。祖大壽覺之，謀執吳巴什等，於是諸蒙古大譟，與明兵搏戰。我軍自外應之，遂克其外城，大壽退保內城。¹⁰⁰甲辰，諾木齊、吳巴什等以蒙古六千餘人來歸，至盛京。

夏四月丁未，遣阿哈尼堪等率兵詣錦州，助濟爾哈朗軍。濟爾哈朗奏，敗明援兵於松山。庚戌，遣孔有德、尚可喜助圍錦州。多爾袞等聞錦州蒙古降，請效力贖罪，不許。¹⁰¹

五月丁丑，明總督洪承疇以兵六萬援錦州，屯松山北崗，濟爾哈朗等擊走之，斬首二千級。¹⁰²丁亥，索倫部巴爾達齊巴¹⁰³降。己丑，遣希福等閱錦州屯營濠塹。壬寅，諭駐防歸

⁹⁶ 尚書金聲黑尼 李滢：《瀋館錄》，卷2，頁17下，作「判書金尚憲」；《朝鮮王朝實錄仁祖朝實錄》，卷41，頁19同。

⁹⁷ 《清太宗實錄》（初），晉席特庫為三等昂邦章京在16日壬辰。

⁹⁸ 《清太宗實錄》（初），雅圖下嫁弼爾塔噶爾在16日壬辰。

⁹⁹ 諾木齊 《明內閣大庫史料》，第1輯，頁396，兵部為題報夷情事，作「那木氣」。

¹⁰⁰ 同前書，3月「二十四日乙巳夜」，那木氣家中火起，舉刀砍人一顆，外面遂有奴騎攻城。《清太宗實錄》（初）同。

¹⁰¹ 《清太宗實錄》（初），不許多爾袞奏在7日丁未。

¹⁰² 《清太宗實錄》（重），此為皇太極收到濟爾哈朗奏報日期。「斬首二千級」為清方紀錄，明記錄則不然，《明清史料》，乙編，第4本，頁310，〈薊遼總督洪承疇揭帖〉，此戰發生於4月25日庚午，明軍陣亡七百三十八名，輕重傷八百零二名。

¹⁰³ 巴爾達齊巴 《清太宗實錄》（重）作「巴爾達齊」。

化城都統古祿格等增築外城，建敵樓，浚深濠，以備守禦。

六月丁未，命多爾袞、豪格代圍錦州。辛酉，濟爾哈朗、多爾袞等合軍敗明援兵於松山。¹⁰⁴丙寅，遣學士羅碩以祖澤潤書招祖大壽。庚午，多爾袞等又奏，敗明援兵於松山。

秋七月戊寅，賜中式舉人滿洲鄂謨克圖、蒙古杜當、漢人崔光前等朝衣各一襲，一二三等生員緞布有差。甲申，遣孔有德、耿仲明、尚可喜下副都統率兵助圍錦州。乙酉，議圍錦州功罪，親王以下賞罰有差。¹⁰⁵

八月甲辰朔，敘克錦州外城諸將功，晉鼇拜、勞薩、伊爾登等秩，復勞薩碩翁科羅巴圖魯號。乙巳，我軍與明合戰，明陽和¹⁰⁶總兵楊國柱敗死。祖大壽自錦州分所部為三，突圍不得出。丁未，封烏朱穆秦部布爾多濟濟農¹⁰⁷為和碩蘇勒親王，阿霸垓部多爾濟額齊格諾顏為卓禮克圖郡王。丁巳，上以明洪承疇、巡撫邱民仰¹⁰⁸等援錦州兵，號十三萬，¹⁰⁹壁松山，上親率大軍禦之。濟爾哈朗留守。諸王、貝勒、大臣以明兵勢眾，勸上緩行，上笑曰：「但恐彼聞朕至，潛師遁耳。若不去，朕破之如摧枯拉朽¹¹⁰也。」¹¹¹遂疾馳而進。戊午，渡遼河。洪承疇以兵犯我右翼，豪格擊敗之。壬戌，上至戚家堡，將赴高橋，召多爾袞以兵來會。多爾袞請駐蹕松、杏間，上從之，幸松山。明以一軍駐乳峰山，由乳峰至松山，列步軍七營，騎兵則環城東西北，¹¹²壁壘甚堅。我師自烏欣河南山至海，橫截大路而軍。上謂諸將曰：「敵眾，食必不足，見我斷其餉道，必無固志，設伏待之，全師可覆也。」癸亥，明兵來犯，擊卻之。¹¹³又敗之塔山，獲其積粟十二屯。甲子，明兵再犯，又卻之。¹¹⁴時承

¹⁰⁴ 《清太宗實錄》（重），此為聞知代袞等奏報濟爾哈朗軍情日期。

¹⁰⁵ 《清太宗實錄》（初），遣孔有德等圍錦州並議圍錦州功罪在7日辛巳。

¹⁰⁶ 陽和《明史》，卷272，楊國柱、曹變蛟傳作「宣府」。

¹⁰⁷ 布爾多濟濟農《清太宗實錄》（重）作「多爾濟濟農」，《崇德朝東華錄（王先謙輯）》同。此當據改。

¹⁰⁸ 邱民仰 《明史》，卷261，有「丘民仰」傳；《明清史料》所見明臣奏報，亦作「丘民仰」，《清太宗實錄》（初）同，此當據改。以下同。

¹⁰⁹ 十三萬 《明史》，卷272，曹變蛟傳，作「十萬」；談遷：《國榷》，卷97，「十萬之眾，覆沒殆盡」，「噫！決十萬之眾一戰，惟鎬與洪氏」。

¹¹⁰ 摧枯拉朽 《清太宗實錄》（初）作「放犬逐獸」。

¹¹¹ 《清太宗實錄》（初），皇太極15日戊午。

¹¹² 東西北 《清太宗實錄》（初）作「東南西」。

¹¹³ 《明清史料》，乙編，第4本，頁327，兵部題行「寧前道石鳳臺塘報」稿，「二十日（癸亥），即與奴賊大戰，勝負未分，天晚收兵。」

¹¹⁴ 李滢：《藩館錄》，卷3，頁16，「二十一日（甲子）辰時，漢兵自松山進擊清陣，纔交鋒便走，清騎

疇以餉乏，欲就食寧遠。上知其將遁，分路設伏，戒諸將嚴陣以待，扼其歸寧遠及奔塔山、錦州路。是夜，明吳三桂等六總兵果潛師先奔，昏黑中為我伏兵所截，大潰，惟曹變蛟、王廷臣返松山。乙丑，又克其四臺。王樸、吳三桂奔杏山。曹變蛟棄乳峰山，乘夜襲上營，力戰，變蛟中創走。己巳，吳三桂、王樸自杏山奔寧遠，遇我伏兵，又大敗之，三桂、樸僅以身免。是役也，斬首五萬，獲馬七千，軍資器械稱是。承疇收敗兵萬餘人入松山，嬰城守，不能戰，我軍遂掘壕圍之。是日，札魯特部桑噶爾以兵至。¹¹⁵

九月乙亥，科爾沁卓禮克圖親王吳克善以兵至。命多爾袞、豪格分兵還守盛京。戊寅，略寧遠。乙酉，關雎宮宸妃疾。上將還京，留杜度、阿巴泰等圍錦州，多鐸、阿達禮等圍松山，阿濟格等圍杏山。丙戌，駕還。庚寅，宸妃薨。辛卯，上還京。

冬十月癸卯朔，日有食之。甲辰，遣阿拜駐錦州南乳峰山。丁未，遣孔有德、耿仲明、尚可喜等助圍錦州。己巳，追封宸妃為元妃，諡敏惠恭和。壬申，封蘇尼特墨爾根台吉騰機思為多羅墨爾根郡王。

十一月乙亥，命多爾袞、羅託、屯齊駐錦州，豪格、滿達海等駐松山。

十二月甲寅，濟爾哈朗、多爾袞奏，敗洪承疇於松山。

七年春二月癸卯，上出獵葉赫。戊申，明德王朱由棖卒，以禮葬之。戊午，阿濟格奏，敗明兵於寧遠。辛酉，豪格、阿達禮、多鐸、羅洛宏奏拔松山，擒明總督洪承疇、巡撫邱民仰、總兵王廷臣、曹變蛟、祖大樂、遊擊祖大名、大成等。先是，承疇援絕，屢突圍不得出，其副將夏承德¹¹⁶約降，且請為內應，以子夏舒為質。戊午夜半，豪格等梯城破之。捷聞，上以所俘獲分賚官軍，收軍器，貯松山城。壬戌，上還宮。

三月癸酉，殺邱民仰、王廷臣、曹變蛟，¹¹⁷諭洪承疇、祖大樂來京，而縱大名、大成

追入谷中，遇伏而退，其勝敗可知也。」

¹¹⁵ 《清太宗實錄》（重），桑噶爾以兵至在8月29日壬申。

¹¹⁶ 夏承德 鄂爾泰等纂；《八旗通志初集》（臺北：臺灣學生書局，民國57年景印初版），卷176，夏景梅傳，「夏景梅…其兄『成德』為松山副將…崇德七年二月，大軍圍松山城…『成德』願降，陰遣弟景梅為使，送其子『績』為質，約期攻城。」《明清史料》所見有「夏成德」其人，入關後任總兵，前後對照，應係松山之役之「夏成德」。《清史稿》，列傳24，洪承疇傳，亦作「夏成德」；《國榷》卷98同。

¹¹⁷ 《清太宗實錄》（初），邱民仰等拘於松山，此係皇太極在盛京遣使下令處死三人之日期，實際執行應在稍後，《清太宗實錄》（重）同。《明清史料》，乙編，第4本，頁398，兵部行確察洪承疇等殉節塘報互異稿，殺丘、王、曹三人在3月11日庚辰。

入錦州。己卯，克錦州，祖大壽以所部七千餘人出降。¹¹⁸乙酉，阿濟格等奏，明遣職方郎中馬紹愉來乞和，出明帝敕兵部尚書陳新甲書為驗。上曰：「明之筆札多不實，且詞意夸大，非有欲和之誠。然彼真偽不可知，而和好固朕夙願。朕為百萬生靈計，若事果成，各君其國，使民安業，則兩國俱享太平之福。爾等以朕意傳示之。」乙未，諭多爾袞、豪格駐杏山、塔山，濟爾哈朗、¹¹⁹阿濟格、阿達禮等還京。

夏四月丁未，敕諭吳三桂等降。庚戌，大小二日並出，大者旋沒。辛亥，濟爾哈朗、多爾袞、豪格等奏，克塔山。甲子，奏克杏山。毀松山、杏山、塔山三城。濟爾哈朗等班師。以阿巴泰守錦州。¹²⁰

五月己巳朔，濟爾哈朗等奏，明遣馬紹愉來議和，遣使迓之。癸酉，洪承疇、祖大壽等至，入見請死。上赦之，諭以盡忠報效，承疇等泣謝。上問承疇曰：「明帝視宗室被俘，置若罔聞。陣亡將帥及窮蹙降我者，皆孥戮之。舊規乎？抑新例乎？」承疇對曰：「昔無此例，近因文臣妄奏，故然。」上曰：「君暗臣蔽，枉殺至此。夫將士被擒乞降，使其可贖，猶當贖之，奈何戮其妻子？」承疇曰：「皇上真仁主也。」¹²¹戊寅，禁善友邪教，誅黨首李國梁等十六人。壬午，明使馬紹愉等始至。

六月辛丑，都察院參政祖可法、張存仁言：「明寇盜日起，兵力竭而倉廩虛，征調不前，勢如瓦解，守遼將帥喪失八九。今不得已乞和，計必南遷，宜要其納貢稱臣，以黃河為界。」¹²²上不納，以書報明帝曰：「向屢致書修好，貴國不從，事屬既往，其又何言。予承天眷，自東北海濱以訖西北，其間使犬、使鹿、產狐、產貂之地，暨厄魯特部、幹難河源，皆我臣服，蒙古、朝鮮盡入版圖，用是昭告天地，正位改元。邇者兵入爾境，克城陷陣，乘勝長驅，亦復何畏。余特惓惓為百萬生靈計，若能各審禍福，誠心和好，自茲以往，盡釋宿

¹¹⁸ 《清太宗實錄》（初），祖大壽降清在8日丁丑。

¹¹⁹ 《清太宗實錄》（重），濟爾哈朗駐塔山。

¹²⁰ 《清太宗實錄》（初），令毀松山等三城，濟爾哈朗等事畢回京，阿巴泰駐守錦州，皆在4月28日丁卯。
《清太宗實錄》（重）同。

¹²¹ 李滢：《瀋館錄》，卷3，頁27，記洪承疇與皇太極首次會面對話：「帝使博氏問於承疇曰：『汝是南方人，云日本往來於南方耶。』洪氏答曰：『不為朝貢，豈有往來之事。』又問曰：『汝是文士，能知前朝故事耶。』答曰：『粗知之。』又問『汝年幾何？』答曰：『四十五歲。』又問曰『朝鮮則贖還被擄人，其親族之情固當如是矣，中原則何不贖還？』答曰：『朝廷群議皆以為不可贖，故如此云。』帝曰：『人心不淑，故如此，非獨朝廷之議，汝亦同類也。』云而。更無他言。」「更無他言」若真，則《清史稿》所據之《清太宗實錄》真實性大有可疑。

¹²² 《清太宗實錄》（初），祖可法等此奏在5月28日丙申，《清太宗實錄》（重）同。

怨，尊卑之分，又奚較焉。古云：『情通則明，情蔽則暗。』使者往來，期以面見，情不壅蔽。吉凶大事，交相慶弔。歲各以地所產互為餽遺，兩國逃亡，亦互歸之。以寧遠雙樹堡為貴國界，塔山為我國界，而互市於連山適中之地。其自海中往來者，則以黃城島之東西為界。越者各罪其下。貴國如用此言，兩君或親誓天地，或遣大臣蒞盟，唯命之從，否則後勿復使矣。」遂厚賚明使臣及從者，遣之。後明議中變，和事竟不成。癸卯，諭諸王、貝勒，凡行兵出獵，踐田禾者罪之。甲辰，設漢軍八旗，以祖澤潤等八人為都統。以貝子羅託為都察院承政，吳達海為刑部承政，郎球為禮部承政。乙巳，多羅安平貝勒杜度卒。

秋七月庚午，諭諸王、貝勒、大臣曰：「爾等於所屬賢否，當已詳悉。知而不舉，何以示勸？太祖時，蘇完札爾固齊費英東等見人有善，先自獎勵，然後舉之；見人不善，先自斥責，然後劾之。故人無矜色，無怨言。今未有若斯之公直者矣。」王、貝勒等皆謝罪。辛未，承政索海以罪褫職。壬申，以紐黑為議政大臣。丙子，敘功，晉多羅睿郡王多爾袞、肅郡王豪格復為和碩親王，多羅貝勒多鐸為多羅郡王，鄭親王濟爾哈朗以下賞賚有差。戊寅，遣輔國公博和託代戍錦州。乙酉，議濟爾哈朗以下諸將征錦州違律罪，上念其久勞，悉宥之。論刑部慎讞獄。己丑，命多羅郡王阿達禮管禮部事。

八月己亥，鑄礮於錦州。癸卯，鎮國將軍巴布海有罪，廢為庶人。¹²³癸丑，論克錦州、松山、杏山、塔山諸將功，晉秩有差。

九月，敘外藩諸王、貝勒、大臣從征錦州功，賞賚有差。¹²⁴丁丑，遣貝子羅託等代戍錦州。壬午，命沙爾虎達等征虎爾哈部。

冬十月癸卯，遣英俄爾岱等鞠朝鮮閣臣崔鳴吉等罪。辛亥，以阿巴泰為奉命大將軍，與圖爾格率師伐明。壬子，師行。丁巳，上不豫，赦殊死以下。己未，令多鐸、阿達禮駐兵寧遠。以敕諭吳三桂降。又命祖大壽以書招之。三桂，大壽甥也。甲子，命鄭親王濟爾哈朗、睿親王多爾袞、肅親王豪格、武英郡王阿濟格裁決庶政，其不能決者奏聞。

十一月丁丑，多鐸奏，擊敗吳三桂兵。丙申，阿巴泰奏，自牆子嶺入克長城，敗明兵於薊州。

閏十一月甲辰，上還京。己酉，沙爾虎達等降虎爾哈部一千四百餘人。¹²⁵丙辰，遣巴布泰等更戍錦州。己未，以宗室韓岱為兵部承政。定圍獵誤射人馬處分例。

¹²³ 《清太宗實錄》（初），廢巴布海為庶人在2日己亥。

¹²⁴ 《清太宗實錄》（初），敘功在9月7日甲戌，《清太宗實錄》（重）同。

¹²⁵ 《清太宗實錄》（重），此為沙爾虎達軍報奏抵盛京日期。

十二月丁卯，上出獵葉赫。乙亥，遣金維城率師戍錦州。丁丑，駐蹕開庫爾。上不豫，諸王、貝子請罷獵，不許。丙戌，月暈生三珥。丁亥，日暈生三珥。癸巳，上還京。

是歲，杜爾伯特部札薩克塞冷來朝。

八年春正月丙申朔，上不豫，命和碩親王以下，副都統以上，詣堂子行禮。辛亥，沙爾虎達等師還，論功賞賚有差。甲寅，明寧遠總兵吳三桂答祖大壽書，猶豫未決，於是復降敕諭之。乙卯，遣譚布等更戍錦州。辛酉，多羅貝勒羅洛宏以罪削爵。¹²⁶

二月乙丑朔，日有食之。甲戌，葬敏惠恭和元妃。庚寅，禁建寺廟。

三月丙申，敕朝鮮臣民毋與明通。丙午，地震，自西隅至東南¹²⁷有聲。庚戌，上不豫，赦死罪以下。遣阿爾津等征黑龍江虎爾哈部，葉臣等更戍錦州。¹²⁸辛酉，更定六部處分例。

夏四月癸酉，遣金維城等更戍錦州。甲戌，多鐸請暫息軍興，輟工作，務農業，以足民用。

五月丙申，復封羅洛宏為多羅貝勒。先是，圖白忒部達賴喇嘛遣使修聘問禮，留京八月，至是，遣還，並賚其來使。¹²⁹庚子，努山敗明兵界嶺口。¹³⁰癸卯，阿巴泰奏，我軍入明，克河間、順德、兗州三府、州十八、縣六十七，降州一、縣五，與明大小三十九戰，殺魯王朱衣珮¹³¹及樂陵、陽信、東原、安丘、滋陽五郡王，暨宗室文武凡千餘員，¹³²俘獲人民、牲畜、金幣以數十萬計，籍數以聞。丁巳，阿爾津征虎爾哈奏捷。

六月癸酉，多羅饒餘貝勒阿巴泰師還，鄭親王濟爾哈朗、睿親王多爾袞、武英郡王阿濟格郊迎之。甲戌，賜阿巴泰及從征將士銀緞有差。己卯，諭諸王貝勒曰：「治生者務在節用，治國者重在土地人民。爾等勿專事俘獲，以私其親，其各勤農桑，以敦本計。」艾度禮代

¹²⁶ 一檔館編：《清初內國史院滿文檔案譯編（上）》，頁511，羅洛宏以罪削爵在正月30日。案曆法，是月小建，無30日。待考。

¹²⁷ 西隅至東南 《清太宗實錄》（初）作「東南西南隅」。

¹²⁸ 《清太宗實錄》（初），遣阿爾津等往征黑龍江虎爾哈部在19日壬子，令葉臣等更戍錦州在20日癸丑。

¹²⁹ 《清太宗實錄》（初），錢別，遣還達賴喇嘛使節在5月5日丁酉，《清太宗實錄》（重）同。

¹³⁰ 《清太宗實錄》（重），此為皇太極據努山奏報，施行獎賞日期。

¹³¹ 朱衣珮 《明史》，卷101，諸王世表2，作「朱以派」；卷24，莊烈帝本紀2，「魯王朱以派自殺」。

談遷：《國權》，卷98，「崇禎十五年十二月癸酉，建虜陷兗州，執魯王以派，脅金至盡，自經。」

¹³² 千餘員 《清太宗實錄》（重）作「數千人」。

戍錦州。丁亥，朝鮮國王李倭請戍錦州兵歲一更。庚寅，諭戶、兵二部清察蒙古人丁，編入佐領，俱令披甲。

秋七月戊戌，阿爾津等師還，論功賞賚有差。諭諸王勿以黃金飾鞍勒。定諸王、貝勒、貝子、公第宅制。壬寅，定諸王、貝勒失誤朝會處分例。丙辰，定外藩王、貝勒、貝子、公等與諸王、貝勒、貝子、公相見禮。丁巳，以征明大捷，宣諭朝鮮。辛酉，命滿達海掌都察院事。

八月丙寅，貝子羅託有罪論辟，免死，幽之。戊辰，以宗室鞏阿岱為吏部承政，郎球為禮部承政，星納為工部承政。¹³³庚午，上御崇政殿。是夕亥時，無疾崩，¹³⁴年五十有二，在位十七年。九年壬子，葬昭陵。¹³⁵冬十月丁卯，上尊諡曰應天興國弘德彰武寬溫仁聖睿孝文皇帝，廟號太宗，累上尊諡曰應天興國弘德彰武寬溫仁聖睿孝敬敏昭定隆道顯功文皇帝。

論曰：太宗允文允武，內修政事，外勤討伐，用兵如神，所向有功。雖大勛未集，而世祖即位地年，中外即歸於統一，蓋帝之詒謀遠矣。明政不綱，盜賊憑陵，固知明之可取，然不欲亟戰以勦民命，七致書於明之將帥，屈意請和。明人不量強弱，自亡其國，無足論者。然帝交鄰之道，實與湯事葛、文王事昆夷無以異。嗚呼，聖矣哉！

¹³³ 《清太宗實錄》（初），鞏阿岱等任為各部承政在6日丁卯。

¹³⁴ 《清太宗實錄》（重），崇德5年7月27日，皇太極首見「聖躬違和」，6年8月，患鼻出血，幾誤軍機；7年10月20日，復不豫，後數日，經臣下建議，奉旨「今後諸務可令諸王合議完結」，不復事必躬親，此後屢見聖躬違和，其數頻繁。李滢：《瀋館錄》，卷6，頁11，崇德8年3月28日記，26日，清人至朝鮮世子住所，辟左右，不言某人之病而三問病根與痛勢，「皇帝病患今已向差，而欲為對質於在此漢醫處極擇善解藥術一等之醫一人，及針醫柳達，並以罔晝夜星火入送事……此言不可不極秘，在此則世子知之，而啟之於國王，本國則只國王知之…」《朝鮮王朝實錄·仁祖實錄》，卷44，頁12，癸未（崇德8年）年4月己巳，「清人言於世子館所，以為皇帝病風眩，願得竹瀝，且要見名醫，上命遣鍼醫柳達、藥醫朴頤等。」皇太極之死實因病所致，並非官方史書所說「無疾而終」。

¹³⁵ 《清太宗實錄》（初），皇太極葬於昭陵在9月21日壬子，此「九年」當作「九月」，《清太宗實錄》（重）同。